

# Powšitkowne WOZJEWJENJA

njedźelu, 18. oktobra 2015

## Kermuška za serbskich młodostnych

Wšitcy młodostni su wutrobnje na kermušku Chróšćanskeje wosadneje młodžiny přeprošeni. Tuta budže pjatk, 23. winowca. Započatk je z Božej mšu w 19.00 hodž. w cyrkwi swjateju Symana a Judy Tadeja. Přizamknje so zabawa na Krawčikec žurli z kapału SerBeat. Zastup wučinja štyri eura.

## Zapokazanje noweho Ralbičanskeho fararja

Čestny kanonik Šćěpan Delan je wot 1. oktobra za Ralbičanskeho fararja pomjenowany. Swjatočne zapokazanje čestneho kanonika Delana budže srjedu, 21. oktobra, we 18 hodž. na Božej mši w Ralbičanskej cyrkwi. Wšitcy su wutrobnje přeprošeni.

## Zapokazanje noweho Njebjelčanskeho fararja

Farar Michał Nawka je wot 1. oktobra za Njebjelčanskeho fararja pomjenowany. Swjatočne zapokazanje fararja Nawki budže pjatk, 23. oktobra, we 18 hodž. na Božej mši w Njebjelčanskej cyrkwi. Wšitcy su wutrobnje přeprošeni.

## Přiležnosť k swjatej spowědži w Róžeńće

<b>sobotu, 24. oktobra</b> 17.00 – 18.00 hodž.	farar M. Anders, farar T. Dawidowski, farar D. Dzikiewicz, farar B. Jakubaš
<b>wutoru, 27. oktobra</b> 18.30 – 19.30 hodž.	farar M. Anders, farar G. Wornar, farar D. Dzikiewicz, farar J. Magiera
<b>sobotu, 31. oktobra</b> 17.00 – 18.00 hodž.	farar M. Anders, farar M. Deleńk, farar D. Dzikiewicz, farar T. Dawidowski

## Eksercicije w Drježdźanskim Domje Wysoke duby

Dny rozpominanja a modlenja wotměja so wot pjatka, 30. oktobra, we 18 hodž. hač do nje-dzele, 1. nowembra, w 10 hodž. w eksercicijnym Domje Wysoke duby w Drježdžanach. Jezuitski pater Willi Lambert je k temje „Z wutroby žiwy byc – Haj k Lětu smilnosće“ přewjedže. Wón budže w němskej rěči přednošować, modlitwy a kěrlušy budu serbske. Dny rozpominanja maja wěriwym pomhać, z duchownymi impulsami, wosobinskim modlenjom, rozmołwu a Božej mšu žro Jězusoweho ewangelija spóznać. Přizjewić měli so zajimcy w Chróšćicach na farje, telefonowe čisło (03 57 96) 8 04 00, w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10 abo z mailku na [info@haus-hoheneichen.de](mailto:info@haus-hoheneichen.de).

## Internetowe eksercicije za žony

Džěłowe zjednoćenstwo žónske dušepastyrstwo Bayerskeje poskičuje zajimowanym žonam, młodym kaž staršim, duchowne zwučowanja přez internet. Tute eksercicije započnu so 1. nowembra a traja 30 dnjow. Wobdźělnicy dóstanu kóždy dzeń duchowny impuls z wobrazom wuměłce Uty Bergh-Johnson na swój mobilny telefon. Wosobinski přewod je zdobom móžny, dalokož sej jón něchtó přeje. Dalše informacije dóstanu zajimče telefonisce pod čisłom (0 89) 21 37 22 13 abo móža so přez e-mail [agfsb@eomuc.de](mailto:agfsb@eomuc.de) naprašować.

## **SERVI koncertuje**

Multimedialny koncert pod hesłom „Zynki barbow“, kotryž wuhotuje skupina SERVI, budže sobotu, 31. oktobra, w 17 hodź. w Njeswačanskej cyrkwi. Jan Bělk – tónkróc zhromadnje z Berlinskim percussionistom Peerom Trieblerom – chce ze swojej hudźbu, z wobšěrnej zwukowej techniku a projekcijemi swěcy stworić mosty mjez starodawnej swjatnicu a wuměłskimi srědkami džensnišeho časa. Hudźba wjacorych kruchow ma swoje wuchadzišćo w mólbach Caroliny Eyckec. Wšitcy su wutrobnje na njewšědny koncert z meditatiwnej hudźbu a instalacijemi swěcy do Njeswačidła přeprašeni. Zastup je darmotny, při durjach budže zběrka.

## **Zhromadny čas jeničce z papu w Smochćicach**

Pod hesłom „Z papu pokład pytać“ su nanojo ze swojimi džěćimi wot pjatka do njedzele, 20. do 22. nowembra, do Domu biskopa Bena w Smochćicach přeprašeni. Při tym chcedža za zhromadnymi žiwjenskiimi pokładami pytać, ale tež woprawdžitu pokładownju wopytać. Planowane su zdobom kreatiwne akcije. Wosebje wažne pak je zarjadowarjej, zo mataj nan a džěćo čas za sebje. Zajimcy měli so w Smochćicach přizjewić, telefonowe čisło (03 59 35) 2 23 17. Tam zhonja dalše nadrobnosće.